



Troje uhapšenih za ratni zločin



Samir Kešmer (1974) i Mirsad Menzilović (1975) osumnjičeni su za silovanje maloljetne djevojke

Policijski djelatnici **SIPA**, postupajući po nalogu tužitelja iz Posebnog odjela za ratne zločine, uhapsili su na području Sarajeva Samira Kešmera, (1974) i Mirsada Menzilovića (1975).

Osumnjičeni su pod istragom Tužiteljstva BiH i terete se da su za vrijeme rata i oružanog sukoba u BiH između Armije RBiH i Vojske Republike Srpske, kao pripadnici Armije RBiH, počinili teško kršenje međunarodnog humanitarnog prava.

Oni se terete da su 1993, na području jednog sarajevskog naselja,

izvršili višestruko seksualno zlostavljanje i silovanje malodobne osobe, srpske nacionalnosti, koja je živjela na području Sarajeva, koji je bio pod kontrolom Armije BiH. Nakon obrade osumnjičeni će biti predati postupajućem tužitelju, saopćeno je iz Tužiteljstva BiH.

Službenici Jedinice granične policije Velika Kladuša su uhapsili E. S. (1968). Graničnim provjerama utvrđeno je da ga potražuje **SIPA** zbog postojanja osnova sumnje da je počinio kazneno djelo ratni zločin protiv čovječnosti.